



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

7. Mortificatio Odoratûs.

Nutzungsbedingungen

[urn:nbn:de:hbz:466:1-55242](https://nbn-resolving.org/urn:nbn:de:hbz:466:1-55242)

PASSUS VII.

Mortificatio Odoratûs.

TEXTUS.

*In illa die auferet Dominus
olfactoriola ; & erit pro
suavi odore fœtor. Isaiaë c. 3.*

Cognitio.

ODoratus, licet inter quinos sensus, innocentior sit, minusque aliis, peccato obnoxius ; falce nihilominus, mortificationis amputandus est, & abnegandus. 1. Ne flores, aliave odorifera gestando nares identidem oblectemus. 2. Ne linteola, interulas, & vestes odoribus perfusas circumferamus. 3. Ne locum habitationis nostræ, suffitu exquisito, suffumigemus. 4. Pro salute animarum, operisve pii necessitate graveolentiam fortiter feramus, nec ob hujus molestiam, opera charitatis refugiamus.

Consideratio Motivorum.

Ad mortificandum odoratum, moveat te 1. Turpitude hujus sensualitatis ; *Turpe enim est viro sapienti & bono, si unguentis oblitus, & floribus coronatus in-*

cedat : quod qui facit , utique insipiens , ineptus & nihil est , & quem ne odor quidem virtutis attigerit. Ait Lactantius 6. Inst. c. 22. Rationem dat S. Chrysoſtomus Hom. 4. de Lazaro : Corporis enim & veſtium fragantia , arguit intus latere animum graveolentem & immundum. II. Præmium : quia pro fœtoris tolerati moleſtia , ſuccedet odoris cœleſtis fragantia. III. Supplicium & pœna ; etenim in inferno erit pro ſuavi odore fœtor & mephitis abominabilis.

Petitio.

Domine JEſu , qui fœtorem ſtabuli & montis Calvariæ , pro ſalute noſtra tolerare dignatus es ; da mihi , amore tui , odores ſuaves contemnere , graveolentiam fortiter ſuſtinere ; ut in odorem unguentorum tuorum currere valeam.

Aſpirationes.

I. In odorem unguentorum tuorum (& virtutum) curremus. Cant. 1.

II. Miles es ſpiritualis : talem verò non oportet olere unguentum ; ſed ſpirare virtutem : nihil enim immundum animâ , quoties corpus talem habet fragrantiam. S. Chryſoſt. Hom. 4. de Lazaro.

III. Utinam mi JEſu , nec gratum fœter odorem , nec ingratum refugiam !